

ენი ბლოკონი

# საიდუმლო შვიდეული

წინ, საიდუმლო შვიდეული!



ინგლისურიდან თარგმნა  
მაია წითაძემ



სულაკაურის  
გამოცემლობა

ენიდ ბლაიტონი

**საიდუმლო შვიდეული**

წინ, საიდუმლო შვიდეულო!

მთარგმნელი მაია წითაძე

რედაქტორი ხათუნა ნონიაშვილი

დიზაინერი ია მახათაძე

ტექნიკური დიზაინერი თინათინ ბერბერაშვილი

ქართული გამოცემა © ბაკურ სულაკაურის გამომცემლობა, 2021  
ყველა უფლება დაცულია.

შპს „ბაკურ სულაკაურის გამომცემლობა“

მისამართი: დავით აღმაშენებლის 150, თბილისი 0112

ტელეფონი: 291 09 54, 291 11 65

ელფოსტა [info@sulakauri.ge](mailto:info@sulakauri.ge)

ISBN 978-9941-30-707-2

Enid Blyton

THE SECRET SEVEN

**Go Ahead, Secret Seven**

Text and illustrations © Hodder & Stoughton Limited.

Illustrations by Tony Ross.

First published in Great Britain in 1953 by Hodder & Stoughton Ltd.

All rights reserved.

Georgian translation copyright by Sulakauri Publishing, 2021

[www.sulakauri.ge](http://www.sulakauri.ge)

# შინაასნი

თანვი პიხაპი სუბი გამალიზიანებდად იქცევა.....	5
თანვი მამხა საიდუმლო შვიდეულის შეკება.....	10
თანვი მასამა ახალი პაიოლი და ახალი იდეები.....	15
თანვი მამთხა ხა კახია, ხოცა საიდუმლო ოგანიზაციის წევრი ხაი!.....	20
თანვი მასუთა ადევნება.....	25
თანვი მამძსა საბალო ჯოჯი თავზაიდაცემულია.....	30
თანვი მამშიდა ჯოჯი გადადა და მისი ადგილი ახაღა წევრა დაიკავა.....	35
თანვი მამა ხა მოახსენეს პიგეხს.....	40
თანვი მამხა კოლინი უცნაუხ ამბავს ჰყვება.....	46
თანვი მამთა ახაღაზხადა კაცი სასტუმო „სტაიინგსიდან“.....	51
თანვი მამთამაზა სანახშიხე ოხმო.....	62
თანვი მამთამაზა მოულოდნელი შეხვედა.....	67
თანვი მამამაზა შვიდეუღა საქმე გაინაწილა.....	78
თანვი მამთამაზა სანახშიხე ოხმოში.....	83

თანნი მათხუთმებე ხა მობდა სახდაფში? .....	88
თანნი მათეჟსმებე უსიამოვნო სოუხპიზი.....	93
თანნი მარჟიდმებე ძველი, საიმედო მეგობაიი ჯოიჯი.....	99
თანნი მათჟხამებე თავსაგები ამოიხსნა.....	104

# თავი პიხველი

## სუზი გამალიზიანებლად იქცევა

პიტერი სკოლიდან შინ ბრუნდებოდა. ჩანთას არხეინად მიაკონწიალებდა. უცებ ვიღაც უკნიდან სირბილით წამოენია და დაეტაკა. ბიჭს ჩანთა ხელიდან გაუვარდა და თავი ძლივს შეიკავა, რომ არ წაქცეულიყო. გაბრაზებულმა უკან მიიხედა – ჯორჯი ან კოლინი ეგონა, მაგრამ სუზი შერჩა ხელთ. ბორდიურზე სახეგაბადრული იდგა და უღიმოდა.

– მაპატიე, – მოუბოდიშა გოგომ, – მოვრბოდი და თავი ვერ შევიკავე. საიდუმლო შვიდეულის საქმეები როგორ მიდის?

– თვალში კარგად უნდა გამოიხედო, სუზი! – გაუწყრა პიტერი და ჩანთა აიღო, – რაც შეეხება საიდუმლო შვიდეულს, შენი საქმე არ არის. შენ ხომ სულ იმას ცდილობ, ხელი შეგვიშალო?!

– ჯეკი ამბობდა, საუკუნეა, არ შევკრებილვართო, – ვითომ არც გაეგონოს, ისე გააგრძელა სუზიმ და პიტერს გვერდით ამოუდგა.

პიტერი გაალიზიანა ამ აბეზარი გოგოს საქციელმა.

ჯეკი სუზის ძმა იყო, საიდუმლო შვიდეულის ერთ-ერთი წევრი. პიტერი დარწმუნებული იყო, რომ ის დასთან საიდუმლო ორგანიზაციის საქმეების შესახებ არ ლაპარაკობდა, მაგრამ სუზი მართალს ამბობდა – დიდი ხანი გავიდა, რაც არ შეკრებილიყვნენ. აღდგომის ტრიმესტრმა ხალისიანად ჩაიარა და პიტერს თავისი საიდუმლო ორგანიზაცია არც კი გახსენებია.

– ნუ დარდობ, მალე შევიკრიბებით, – ნიშნის მოგებით უპასუხა სუზის, – მაგრამ შენ არ გაბედო მოსვლა! თუ შეეცდები და რამეს იმაიმუნებ, მწარედ ინანებ! ჩვენი ორგანიზაციის წევრი არ ხარ და არც არასოდეს იქნები!

– თქვენი ბოლო პაროლი უკვე ვიცი, – თავისი არ დაიშალა სუზიმ და ასკინკილით გაუყვა ტროტუარს.

– არაფერიც არ იცი! – შეუღრინა პიტერმა და თავს ძალა დაატანა, პაროლი რომ გაეხსენებინა, მაგრამ ამოდ.

– ვიცი, „ჯეკ სპრეტი“, – წამოიძახა გოგომ.

პიტერმა ბრაზით გახედა. გაახსენდა, საიდუმლო შვიდეულის ბოლო პაროლი მართლაც „ჯეკ სპრეტი“ იყო. ეს სულელი გოგო კი საიდუმლო კოდურ სიტყვას მთელი ხმით ყვიროდა ქუჩაში.

სუზიმ ბიჭის გაცეცხლება შენიშნა და გულიანად გაიცინა.

– მართალი ვარ, ხომ? ბრიყვების ორგანიზაცია გაქვთ. თქვენი პაროლი მარტო მე კი არა, ჩემმა ყველა კლასელმაც იცის. ასე რომ, როცა კრებას დანიშნავთ, ყველანი გეწვე-

ვით და ხმამაღლა ვიტყვით პაროლს. თქვენ კი იძულებული იქნებით, შემოგვიშვათ.

– საიდან გაიგე პაროლი? – აღშფოთდა პიტერი, – დარწმუნებული ვარ, ჯეკი არ გეტყოდა.

– ოჰ, ჯეკი არა. ეგ ისეთი კერკეტი კაკალია, ვერასოდეს დააცდენინებ რამეს. მაგრამ ერთხელ მისი უჯრა გამოვადლე, ცხვირსახოცის ალება მინდოდა და საგულდაგულოდ დამალულ ფურცელს წავაწყდი. მასზე იყო მიჯღაბნილი: „პაროლი – ჯეკ სპრეტი“, – აღიარა სუზიმ.

– შენნაირი საძაგელი გოგო ჯერ არ შემხვედრია, სუზი! – მიახალა პიტერმა, – მუდამ ყველაფერში ცხვირს ყოფ და თავს არ გვანებებ. ცდილობ, ჩვენთან შემოძვრე და გაიგო, რას ვაკეთებთ!

– აბა, რატომ არ გამანევრიანეთ თქვენს ორგანიზაციაში? – ნიშნის მოგებით მიუფო სუზიმ, – ჯანეტი, პემი და ბარბარა თუ არიან, მე რით ვარ მათზე ნაკლები?!

– ბოლოს და ბოლოს, გაიგე, სულელო, რომ ეს საიდუმლო შვიდეულია და მეტი წევრის აყვანის უფლება არ გვაქვს! – მკაცრად აუხსნა პიტერმა, – ესეც არ იყოს, შენნაირი აბეზარა არაფერში გვჭირდება!

– რა ბოროტი ხარ! – ვალში არ დარჩა სუზი, – და მაინც, თუ გინდა, ჯეკს გადავცემ, რომ მალე შეკრებას მართავთ. რა ვუთხრა, ზუსტად როდის არის?

– საჭირო არ არის, ნურაფერს ეტყვი! – საშინლად გააბრაზა პიტერი ჯეკის აბეზარმა დამ, – კრებაზე დასასწრებად მოსანვევებს ვგზავნი ხოლმე! ნურც პაროლის დამახ-

სოვრებით შეინუხებ თავს, აუცილებლად გამოვცვლი და ყველა ნევრს შევატყობინებ.

– სულერთია, ჯეკი მაინც სადმე ჩაინერს, რომ არ დაავინწყდეს, მე კი ისევ ვნახავ, – კვლავ გამოაჯავრა სუზიმ, – ახლა დაგემშვიდობები, ჯეკ სპრეტს კი მოკითხვა გადაეცი ჩემგან.

პიტერმა სიძულვილით სახსევ მზერა გააყოლა. „რა საშინელი გოგოა! კიდევ კარგი, რომ ჩემი და არაა!“ – გაივლო გულში და შენუხებული სახით განაგრძო გზა.

მართლაც დროულად უნდა გაემართა კრება. ბოლო შეკრებიდან დიდი ხანი გასულიყო. ასე გაგრძელება კი ორგანიზაციას საბოლოოდ დაუსვამდა წერტილს.

„მაგრამ საინტერესო და იდუმალებით მოცული არაფერი ხდება და რაზე უნდა ვიმსჯელოთ კრებაზე?! – ფიქრობდა პიტერი, – აუცილებლად რაღაც უნდა მოვიფიქროთ, სანამ რამე მნიშვნელოვანი გამოჩნდება. პაროლიც უნდა გამოვცვალო. ეს ჯეკიც რა ბრიყვი ვინმეა, როგორ დაწერა პაროლი ფურცელზე და დატოვა?! ნუთუ ვერ მიხვდა, რომ სუზი იპოვიდა?!“

ასე ჩაფიქრებული შევიდა ეზოში. მისი და, ჯანეტი, უკვე შინ იყო. ოქროსფერი სპანიელი, სახელად ელვა, მხიარული ყეფით შეეგება.

– გამარჯობა, ელვა, – მიესალმა ძაღლს და პანტურა ყურებზე მიეფერა, – დღეს ხომ კარგად მოიქეცი? საქმელი ბოლომდე შეჭამე? კურდღლების კვალს მიაგენი? მეეზოვესაც დაუყეფე, ხომ? მაშინ მართლა მაგარი ძაღლი ყოფილხარ!



– ჰაამ! – სიყვარულით შეუყეფა ელვამ და გიჟივით გავარდა შინისკენ.

ჯანეტს გაეცინა:

– იცი, სანამ შემოხვიდოდი, კარგა ხნით ადრე იგრძნო, რომ მოდიოდი. ჭიშკართან დაჯდა და სულგანაბული გელოდა. მგონი, ჩვენს ქუჩაზე რომ შემოუხვიე, მაშინ იგრძნო.

– ჯანეტ, – მიმართა დას პიტერმა და ჩანთა დადო, – საიდუმლო შვიდეულის შეკრება უნდა დავნიშნოთ და რაც შეიძლება მალე!

– რა კარგია, – გაიხარა გოგომ, – კი მაგრამ, რატომ? რამე მოხდა?

პიტერმა თავი გააქნია, რითაც ჯანეტს იმედი გაუცრუა:

– არაფერი ისეთი, თუმცა ჯეკის აბეზარ დას შევხვდი, სუზის. ჩვენი პაროლი გაუგია. თანაც დამცინა, რომ დიდი ხანია, არაფერი გაგვიკეთებია. ჰოდა, ჩვენც შევიკრიბოთ, ახალი პაროლი მოვიგონოთ. ამოიღე შენი მოსაწვევი ბარათები და როგორც კი შევძლებთ, კრება დავნიშნოთ.

# თავი მეოხე

## საიდუმლო შვიდეულის შეკება

საიდუმლო შვიდეულის შეკრება მეორე დღესვე, სკოლის შემდეგ დაინიშნა. პიტერმა და ჯანეტმა დედას სთხოვეს, შვიდეულის წევრებს კრებამდე ტკბილეულით გამასპინძლებოდა.

– ჭურჭელს მე დავრეცხავ, ოღონდ მერე, როცა კრება დასრულდება, – დაჰპირდა ჯანეტი დედას, – ვაშა! საიდუმლო შვიდეული კვლავ იკრიბება! რა მაგარია, ისევ მოვიყრით თავს ყველანი!

მოსანვევი ბარათები დააგზავნეს. ბავშვები სიხარულის თრთოლამ შეიპყრო. ჯეკი კომოდის უჯრას ეცა, სადაც ფურცელზე დანერილი პაროლი ეგულეებოდა. კი იპოვა, მაგრამ რაც ზედ ეწერა, იმან ძლიერ გააოცა:

„პაროლი: ჯეკ სპრეტი – არა, ჯეკ ჰორნერი – არა, ჯეკ ურჩხულთმმუსვრელი – არა, ჯეკი და ჯილი – კი!“

ჯეკი შუბლშეჭმუხნილი დასჩერებოდა ფურცელს. რამ დაანერინა ეს სისულელე?! ალბათ, მაშინ სრულ ჭკუაზე